


佛說阿那律八念經
佛說離睡經
佛說是法非法經

二百八十二
止五

49578



三經同卷五

佛說阿那律八念經

佛說離睡經

佛說是法非法經

佛說阿那律八念經

後漢三藏法師支曜譯

聞如是一時佛在誓枝山末師樹下賢者阿
那律在彼禪空澤中坐思惟言道法少欲多
欲非道道法知足無猷非道道法隱處樂衆
非道道法精進懈怠非道道法制心放蕩非
道道法定意多念非道道法智慧愚闇非道
道法捨家佛以聖意逆知其意譬如牡入屈

伸臂頃飛到其前讚言善哉善哉阿那律汝
所念者爲大士念聽吾語汝大士八念善思
行之當學四禪檢意觀法而無中止必獲大
利不失所願何謂四禪惟棄欲惡不善之法
意以歡喜爲一禪行以捨惡念專心守一不
用歡喜爲二禪行歡喜已正惟如法觀覺見
苦樂爲三禪行又棄苦樂憂喜悉斷而任清
淨爲四禪行已學如是而後惟行八大人念四
禪爲檢意法快見於行得利願疾不復中止
又少欲者其義譬如王有邊臣主諸械簏滿
中綵衣而汝自樂著鹿弊者少欲知足隱處
精進制心定意智慧捨家不以戲慢無有差

跌必安隱人至泥洹門是八大人念惟四禪
檢意觀法其義譬如王有邊臣監主厨宰和
調五味而汝自樂乞食趣得救身不以快心
其義譬如王有遊觀樓閣而汝自樂山澤樹
間宴處精進無欲於世其義譬如王有邊臣
主諸良藥及酪蘇飴餈石蜜而汝自樂有疾
以服小便取得除惱以行八念思惟四禪精
進不虧心無差跌必自安隱至泥洹門佛說
是已即還誓枝告諸弟子道當少欲無得多
欲道當知足無畜遺餘道當隱處無樂衆會
道當精進無得懈怠道當制心無得放逸道
當定意無得亂念道當智慧無得愚闇比丘

當少欲者使謂身自少欲不使衆人知我少
欲義當從是比丘知足謂應器衣服牀卧疾
藥得食足止不畜遺餘義當從是比丘隱處
謂避人間不入衆會遠居山澤巖石樹間如
有四輩若王大臣來從問道爲說清淨欲令
疾去譬如貧人負豪姓債爲主所牽拽欲離
不樂潛隱遠衆義當從是比丘精進謂斷非
法勤行經道未常懈倦上中後夜經行坐卧
常覺寤意念淨以除五蓋義當從是比丘制
心棄欲惡法坐意惟觀以斷苦樂得四禪行義
當從是比丘定意謂常一心觀身觀意觀法
不爲猗行攝念就道捨癡惱想義當從是比

丘智慧謂知四諦苦習盡道何謂苦諦生苦
老苦病苦死苦憂悲惱苦恩愛別苦惡憎會
苦所欲不得苦合五盛陰苦生苦者謂人隨
行所墮受胞成生已出形現根入受長老者
謂人根熟形變髮白齒落筋緩皮皴僂步柱
杖病者謂人罪行所致疽癰瘡膿癩癩長病
亦百餘種死者謂人命逝形壞溫消氣絕竟
神離逝是比爲苦何謂習諦姪心樂喜而生
恩愛在貪欲令復有漏衆行滋盛以著自縛
所謂愛者眼愛色耳愛聲鼻愛香舌愛味身
愛細滑心愛所欲但觀其常樂在望安以爲
利呼言是我有以著自縛從是故色痛想行

識五陰受盛見常貪樂謂是我有以著自縛
所謂色者精神所受地氣水氣火氣風氣變
化爲形以所愛著令眼識色耳識聲鼻識香
舌識味身識細滑意識法著作爲習諦何謂盡
諦不受不入愛盡無餘縛著已解如慧見者不復
有一切故世間人無入所見五陰所著計數已
盡愛縛都解已從慧見非常苦空非身故斷是
爲盡諦何謂道諦謂八直道正見正思正言
正行正治正命正志正定何謂正見正見有
二有俗有道知有仁義知有父母知有沙門
梵志知有得道真人知有今世後世知有善
惡罪福從此到彼以行爲證是爲世間正見

以解四諦苦習盡道已得慧見空淨非身是
爲道正見正思亦有二思學問思和敬思誠
慎思無害是爲世間正思思出處思忍默思
滅愛盡著數是爲道正思正言亦有二不慢
兩舌不惡罵不妄言不綺語是爲世間正言
離口四惡講誦道語心不造爲盡無復餘是
爲道正言正行亦有二身行善口言善心念
善是爲世間正行身口精進心念空淨消蕩
滅著是爲道正行正治亦有二身不殺盜婬不
自貢高修德自守是爲世間正治離身三惡
除斷苦習滅受求度是爲道正治正命亦有
二求財以道不貪苟得不詐怠心於人是爲

世間正命已離邪業捨世占候不犯道禁是
爲道正命正志亦有二不妬嫉不恚怒不事
邪是爲世間正念離心三惡行四意端清淨
無爲是爲道正志正定亦有二性體淳調守
善安固心不邪曲是爲世間正定得四意志惟
空無想不願見汩洄原是爲道正定是爲道
諦比丘捨家棄捐恩愛安靜思道無所戀慕
意不隨欲淨無罣礙是爲隨法義當從是賢
者阿那律聞佛說經開導其意受行三月漏
盡意解得三治以爲證已自覺得羅漢便說偈曰
夫欲而無厭 樂衆以故意 是行後致苦
修惡多所著 少欲知道行 知慙不自見

是法墮清淨

遠惡致度世

道意不貪生

亦無樂死想

吾以如空定

諸苦得待時

從佛受教令

守行棄欲惡

所身患以捨

得利就無爲

自致至三治

已拔恩愛根

當於維沙際

竹園般泥洹

佛說阿那律八念經

佛說離睡經

西晉三藏竺法護譯

聞如是一時婆伽婆在娑祇尸牧摩鼻量鹿
野苑中彼時尊者大目犍連在摩竭善知識

村彼尊者大目捷連獨在靜處經行而睡他
尊知尊者大目捷連獨在靜處經行而睡彼
時世尊知尊者大目捷連獨在靜處經行睡
已即如其像三昧正受以三昧意猶若力士
屈伸臂頌世尊亦如是在婆祇尸牧摩鼻量
鹿野苑中忽然不現至摩竭善知識村在尊
者大目捷連前彼時世尊從三昧起告尊者大目
捷連曰汝目捷連汝目捷連汝欲睡唯然世尊為
何以念而欲睡耶莫行想莫分別想莫多分
別如是睡當離汝若睡不離者汝目捷連如
所聞法如所誦法廣當誦習如是睡當離若
不離者汝目捷連如所聞法如所誦法當廣

爲他說如是睡當離若不離者汝目捷連如
所誦法如所聞法意當念當行如是睡當離
若不離者汝目捷連當以冷水洗眼及洗身
支節如是睡當離若不離者汝目捷連當以
兩手相挑兩耳如是睡當離若不離者汝目
捷連當起出講堂四方視及觀星宿如是睡
當離若不離者汝目捷連當在空處彷徨行
當護諸根意念諸施後當具想如是睡當離
若不離者汝目捷連當還離彷徨舉尸師壇
敷著牀上結跏趺坐如是睡當離若不離者
汝目捷連當還入講堂四疊敷鬱多羅僧著
牀上舉僧伽梨著頭前右脇著牀上足足相


累當作明想當無乱意常作起想思惟任汝
目捷連莫樂牀莫樂右脇眠莫樂睡莫樂出
間恭敬以爲味何以故目捷連我不說近一
切法我亦不說不近一切法云何目捷連我
說不近一切法汝目捷連我說不親近白衣
目捷連若親近白衣住者但有論俱不與誦
俱因彼論便有諛諂僞慢因有僞慢便有嫉
妬因嫉妬不知息汝目捷連若有不息已三
昧便遠離是爲目捷連我說此不親近法云
何目捷連我說親近法目捷連當至靜處草
蓐爲床嘿然不言遠離諸惡離人衆常當坐
思惟是爲目捷連我說親近法目捷連若入

村乞食當莫求利報當莫求恭敬汝目捷連
息利報恭敬意已當入村乞食汝目捷連入
村乞食當莫以想入他家何以故目捷連居
士家多有俗緣若比丘入居士家不共言彼
比丘便作是念誰有向此居士論說我而今
居士不共我言便有恚心有恚已便有貢高
因有貢高便有不息目捷連有不息意已便
遠離三昧汝目捷連若說法時當莫見勝負
當作不勝意若作勝意便有多論因多論便
有貢高因貢高便有嫉妬因嫉妬便有不息
目捷連不息已我說遠離三昧汝目捷連若
說法時當作有益當決定說當莫非他說當

如師子吼論如是目捷連當如是學於是尊者大目捷連從坐起一面著衣叉手向世尊白世尊曰唯世尊云何以丘至竟盡至竟無垢至竟行梵行此目捷連若比丘所有病痛若苦苦樂若不苦不樂當觀彼痛是無常住當觀是敗壞當觀是無染當觀是盡當觀是止當觀是止任處當如是觀彼痛當觀彼痛無常住當觀是敗壞當觀是無染當觀是盡當觀是止當觀是止任便不著此世間不著已便不恐怖不恐怖已捨有餘般涅槃生便盡梵行已成所作已辦名色已有知如真是爲目捷連比丘至竟盡至竟無垢至竟梵行至

竟行梵行佛如是說尊者目捷連聞世尊所
說歡喜而樂

佛說離睡經



佛說是法非法經

後漢安息國沙門安世高譯

聞如是一時佛在舍衛國祇樹給孤獨園是
時佛告諸比丘比丘應曰唯然比丘從佛聽
佛說有賢者法比丘聽說亦有非賢者法當
聽孰聽熟知熟念說比丘唯然從佛受教佛
便說是何等比丘非賢者法若比丘大姓喜

道欲學道若有餘同學比丘非大姓比丘大
姓故爲自憍身欺餘是非賢者法何等爲賢
者法賢者學計是我不必從大姓能斷貪姪
能斷瞋恚能斷愚癡或時有比丘非大姓家
但有方便受法如說法如要行隨法行爲從
是名聞故知法行隨法諦不自譽亦不欺餘
是賢者法或時一者比丘色像多端正餘比
丘不如便從端正故自譽欺餘是非賢者法
賢者復不尔賢者自計色端正我不必從是
能斷貪姪能斷瞋恚能斷愚癡或時有比丘
不端正但隨法多少受行便從是得譽得名
聞受法諦隨法行不自譽亦不欺餘是賢者

法或時一者比丘善語言善說餘比丘不如
便從善語言善說自譽欺餘是非賢者法賢
者復不尔賢者學計是我不必從善美語亦
不從知善美說能斷欲貪能斷瞋恚能斷愚
癡或時比丘言語不善美亦不善說故但如
法受教多少隨行便行是得恭敬是得名聞
是法從受法行諦不自譽亦不欺餘是賢者
法或時是聞一者比丘年大多知識相知富
饒餘比丘不如便從年大從多知識從是自
譽自憍欺餘是非賢者法賢者復不尔賢者
但念學計是我不必從年大故亦不從多知
識故亦不從多得福故能斷貪欲能斷瞋恚

能斷愚癡或時比丘年亦不大亦不多知識
福亦不饒但受法欲隨法欲隨法行多少便
從是得譽得名聞是從法隨法諦不自譽不
自憍亦不欺餘是賢者法或時是聞一者比
丘知聞經能說經知律知入通經餘比丘不
如便從入故從通經故自譽自憍欺餘是非
賢者法賢者復不尔賢者但計學是我不必
從入故亦不從通經故能斷貪欲能斷瞋恚
能斷愚癡或時有比丘無有入亦不通經但
受法隨法正求隨法行便從是得恭敬得名
聞是從持法隨法行諦不自譽不自憍亦不
欺餘是賢者法或時一者比丘自求不從相

知求不過七家一處坐一時食從後不取餘
比丘不如便從一食後不取自譽自憍欺餘
是非賢者法賢者復不尔賢者但學我不必
從一食後不取不從是故能斷貪欲能斷瞋
恚能斷愚癡或時比丘不一食不從後不取
但受法隨法正受隨法從是得恭敬從是得
名聞是法隨法諦不自譽不自憍亦不欺餘
是賢者法或時一者比丘土中塚間止但三
領名故餘比丘不如便從名故自譽自憍欺
餘是非賢者法賢者復不尔賢者但計學我
不必從三領名故能斷貪欲能斷瞋恚能斷
愚癡或時比丘無有三領名但受法隨法正

受隨法便從是得恭敬得名聞是法隨法諦不自譽不自憍亦不欺餘是賢者法或時一者比丘露中止或時樹下或時空澤塚間在所卧具餘比丘不如便從是故自譽自憍欺餘是非賢者法賢者復不尔賢者但計學我不必從是露中樹下空澤塚間故能斷貪欲能斷瞋恚能斷愚癡或時比丘無有是上說但受法隨法正受隨法便從是得恭敬得名聞是法隨法諦不自譽不自憍不欺餘是賢者法或時比丘已得第一禪餘比丘不如便從第一禪故自譽自憍欺餘是非賢者法賢者復不尔賢者但學第一禪者佛說自知是

受是法諦不自譽不自憍不欺餘是賢者法
或時比丘有二禪得或有三禪得或有四禪
得如第一禪說是賢者法或時比丘解空行
意或時解識行意或時解非常行意或時解
無有思想行意有思想行意餘比丘不如便
從是得思想無有思想行便自譽自憍亦欺
餘是非賢者法賢者復不尔賢者但計學無
有思想行亦有思想行佛說從計我有是是
受法隨法諦不自譽不自憍不欺餘是賢者
法佛語比丘我已說賢者法亦說非賢者法
比丘當自思惟賢者法亦當思惟非賢者法
已思惟當行賢者法捨非賢者法受賢者法

隨法比丘應當學是佛說是比丘受著心行

佛說是法非法經五

止

阿那律八念經

師

舊去所律反

滅

簾

上古咸反音鹿

差

跌

上楚宜反下徒結反

麤

苦為

牽

拙

下羊列反作拽

上

薩

上七徐恭反

癩

音開

漫

莫半

隙

音聚

飶

餽

二醒餽字

離睡經

尸

牧

下諸經多作收字音木

苑

上紆反阮

批

土彫反

徬

徉

上步

音忙反羊

脇

脅

二虛業反同

諛

諂

上羊反朱反

蓐

音辱

是法非法經

不出字

國法比丘律經

